



KIKKUT TAMARMIK
NALUNAARUTE-
QARTUSSAATI-
TAAPPUT



NALUNAARUTEQARTUSSAATITAANEQ SUUA?

Kalaallit Nunaanni innuttaasut tamarmik nalunaaruteqartussaataapput. Inuk innarluutilik atugarisaarneranut, peqqissusaanut imaluunniit ineriartorneranut navianartorsiortitsisumik atugaqartinneqartoq innuttaasutut ilisimasaqaruit, innuttaasutut pisussaavutit tamanna kommunerisannut nalunaarutigissallugu. Nalinginnaasumik aamma sakkortusisamik nalunaaruteqartussaataasoqarpoq.

Kommune nalunaarummik tigusaqaruni iliuuseqar-nissamik pisussaaffeqarpoq. Tamatuma saniatigut kommune nalunaarummik tigusaqaruni nalunaarutip tiguneraniit kingusinnerpaamik sapaatip akunnerata ataatsip qaangiunnerani nalunaarutip tiguneranut uppersarnissaanut pisussaaffeqarpoq.

Tamatuma kingorna kommune misissuinissamik pi-sariaqartoqarnerseq nalilersussavaa. Misissuinerup takutissavaa innuttaasumut eqqortumik tapersersuinissamik aamma iliuusissanik aallartitsisoqassanersaq.

Kommunip innuttaasoq innuttaasullu qanigisai misissuinermi iliuusissatullu pilersarusiornermi peqataatissavai.



NALINGINNAASUMIK NALUNAARUTEQARTUSSAATITAANEQ SUUA?

Inatsisartut inatsisaat nr. 13, 12. juni 2019-imeer-sumi § 32-mi allaqqavog, inuup innarluutillip atugarissaarneranut, peqqissusaanut imaluunniit ineriartorneranut navianartorsiortitsumik atugaqar-tinneqartoq innuttaasup paasiguniuk kommunalbestyrelsimut nalunaaruteqarnissani pisussaaffigigaa.

Nalunaaruteqarnermi atit aamma oqarasuaativit normua allannginneratigut kinaassutsit isertorsinnaavat. Atilli paasissutissallu allat nalunaarutigigukkit kinaassutsit isertorsinnaajunnaassaaq.

Isumannaatsumiinnissat imaluunniit nalunaarutigineqartunut attaveqarnerit attatiinnarniarlugu kinaassutsit isertuunnissaannut pitsaassaaq. Illuatungaanili atit ilisimatitsissutigigukku suliami ammasumik periuseqarneq ilaatigullu pitsaaneruseqarnerumik suliarineqarneranik kinguneqarsinnaavoq.



SAKKORTUSISAMIK NALUNAARUTEQARTUSSAATITAANEQ SUUA?

Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019 § 33-mi allaqqavoq, isumaginnittoqarfinni, peqqinnissaqarfinni ilinniartoqarfinnilu sulisut, inuk innarluutilik taper-siivigineqarnissamik pisariaqartitsisoq, inuussutis-sarsiutigalugu sulinerminnut atatillugu sulisup paasiguniuk kommunemut nalunaaruteqarnissamik pisussaaffeqartoq.

Nalunaarutiginnittussaatitaaneq taanna, innuttaasunit tamanit qinerneqarlutik suliaqartunut imaluunniit inuiaqatigiinni sullissillutik suliaqartunut, atuuppoq.

Sulisutut ernumassutitit pillugit ilaatigut aqutsisunnik oqaloqateqarsinnaavutit. Tamatuma kingorna qanoq iliuuseqartoqarsinnaanersoq aalajangiisinnaavusi.

Aamma isumakuluutisi pillugit pineqartup qanigisai oqaloqatigisinnaavasi. Suleqatigiilluarneq tamanillu ikioqatigiilluarneq qulakkeerumallugu inuup innarluutillip qanigisai peqataatinneqarnissai pingaaruteqarsinnaavoq.



QANOQ NALUNAARUTEQASSAANGA?

Nalunaarutiginninneq mailikkut, oqarasuaatkkut kommunemulluunniit ornigunnikkut pisinnaavoq.

Nalunaarutiginninneq ilaatigut makkuninnga paasissutissanik imaqassaaaq:

- Meeqqap nalunaarutiginnissutigineqartup atia aamma inuttut normua
- Paasissutissat meeqqamut tunngasut
- Nalunaarutiginninnermut tunngavigisaq
- Meeqqap ineriartorneranut paasissutissat tunngaviusut
- Meeqqap nammineq oqaatigisai
- Meeqqap atugarisaanut tunngasut
- Angajoqqaanik suleqateqarnermik paasissutissat

Meeqqanik inuusuttunillu sullissisuuguit nalunaaruteqartussaataanerillu malinngikkukku suliffinnik paarsinerlunnermik tamanna nalilernerqarsinnaavoq pinerluttulerinermilu inatsit malillugu pineqaatissinneqarsinnaallutit.

Sakkortusisamik nalunaaruteqarsinnaatitaaneq nipangiussisussaataanermit salliuvoq.



UAGUTSINNUT TUNNGASUT

Innarluutillit pillugit oqaaseqartartoqarfik Tilioq
politikkikkut attuumassuteqanngilaq Namminersorlutik
Oqartussat ataanni inissisimasoq.

Tiliup suliassaraa Kalaallit Nunaanni inuit innarluutillit
pisinnaatitaaffii qulakkiissallugit siuarsassallugillu.
Apeqqutissaqaruit uunga attaveqarnissannut
tikilluaqqusaavutit:

TILIOQ

Aqqusinersuaq 48, 1. sal
Boks 3081
3911 Sisimiut

ATTAVIGISIGUT

Oqaras.: + 299 24 22 44 / +299 55 19 50
Mail: info@tilioq.gl
www.tilioq.gl



TILIOQ